

110 年 教育部文藝創作獎

學生組 戲劇劇本項

傳統戲劇劇本徵選

《鯨落》

目錄

《鯨落》故事大綱	2
《鯨落》分場敘事	3
《鯨落》人物角色	4
《鯨落》劇本創作	5

《鯨落》故事大綱

兄弟情深金石定 魂兮歸來將遠行
永鎮鯤島萬物生 落海屍骨化清淨

秦時，一眾派遣出海尋藥的使者在大海迷途
後被東華帝君所派的鯤鵬神獸拯救至孤島
於此建立東華王國 世代交替 以東華後世自居衍派

二十年後，東海之濱
吳萬興、吳萬仁兄弟出海捕魚卻遭逢狂風大浪來襲，雙雙落海
平安獲救的兩人殊不知即將迎來另一波比大海更加兇險的驚滔駭浪

二十年前，東華王國傳出王位宮變
受到大臣扶持的四王子朱哲睿領兵攻進東宮殺害太子
豈料，千鈞一髮之際，九王子朱哲發以死勸諫兄長不可造下手足罪孽
說畢兩人就在火海間葬送性命
並相互約束，兄弟來生再結緣

在東華帝君的巧妙安排之下
重新回到人間的朱哲睿、朱哲發將如何彌補多年前的逼宮憾事？
然而，吳家兄弟與鯤鵬、朱家兄弟有何不可言說的神祕連結呢？
鯨落又是為何？化身為人的鯤鵬為何選擇落海成就偉業？
且看在東海之濱、鯤鰓沙畔，一段跨越時間輪迴的生死兄弟情.....

《鯨落》分場敘事

楔子

東華帝君拯救生靈於無道肆虐。

第一場 三月初三

清明上墳日，吳萬興發現自己有所異樣，相同夢境困擾自己。

第二場 東海遇險

時間倒回吳家兄弟遇上海難時，發生的生命轉折。

第三場 鯤鯨化現

吳萬仁懇求東華帝君以鯤鯨換取弟弟吳萬興的性命。

第四場 不如歸去

朱哲睿與朱嗣欽、朱嗣秦等人放下恩怨，也與弟弟朱哲發重逢，放下對董太后的親恩與怨恨。

第五場 鯨落遠洋

吳萬興與吳萬仁、朱哲睿永遠分離，兩人合體化為大鯤落入海中，與青鸞永鎮東華。

尾聲

多年後，吳萬興攜帶兒子重遊故地，再一次說起那年與海翁的鯨落故事。

《鯨落》人物角色

出洋使者

使臣：共五位，為秦王出使扶桑取得長生不老藥。

朱方士：出使者的領頭，亦為秦王宮內之方士，後成為東華國開國國主。

吳家

吳萬仁：吳家長男，耿直豪爽、極有責任感，為周全萬興而犧牲自己。

吳萬興：吳家次男，天真爛漫、依賴兄長，後因受長兄影響而獨立自主。

順娘：吳家兄弟之青梅竹馬，自幼失去父母與姑母相伴，後為青鸞的化身。

上古神

東華帝君：上古大神之一，因不捨眾生受秦國無道肆虐，建立東華國，後來也因不捨吳家兄弟分離而介入協調。

青鸞神女：東華帝君駕前護法。

大鯤：東華國原始魂，東華帝君將朱哲睿封印其中。

東華國主

朱哲睿：東華國第三代四王子，個性剛烈耿直。

朱哲發：東華國第三代九王子，個性隨和平穩。

朱嗣欽：東華國第四代新國主。

朱嗣秦：東華國第四代前國主，因其血統不正衍生嗣位問題，引發宮變。

董太后：東華國國母，私心利益為使嫡孫上位，因而唆使朝臣發起政變。

《鯨落》劇本創作

※本劇念白、唱詞均採以教育部閩南語辭典推薦漢字書寫，場景與人物提示則為華語書寫。

楔子

場景：東海

人物：使臣、朱方士、東華帝君

（投影：東海之上飄著一艘出洋使船）

使臣甲：朱先生，咱這一改出海往扶桑替大王求藥敢真正有路通轉來？

使臣乙：是啊，人人攏講這東海有鯤獸做怪，出海無一定有命通回喔

使臣丙：恁攏莫想遮濟矣，只愛咱順利取回仙藥，

後半世人就榮華富貴享受不盡矣

使臣丁：汝講得較簡單，我顛倒希望咱攏莫轉去，佇遮過一世人

（四位使臣爭執不斷，朱方士閉目打坐不為所動）

（霎時間狂風大作、掀起巨浪，鯤獸現形）

使臣甲：恁看！是東海鯤獸！

使臣乙：護請天地眾神啊，幫助弟子逃過此劫啊！

（眾人及使臣紛紛被大鯤拍下落海身亡）

（東華帝君現於雲端）

東華帝君：大鯤，汝在人間有一段的緣分需要去化解

如今時機成熟，就予汝去解救蒼生去吧！

（投影：大鯤馱起落海的眾人，並將身軀浮為島嶼、骨架沉入海中）

（倖存的朱方士、眾人抬頭往天拜祭）

朱方士：敢問是佢一位聖駕大神拯救？

東華帝君：【四句連】

東方扶桑氣萬千 華光一統育群仙

帝王尊號施旒冕 君自海上度坤乾

朱方士：東、華、帝、君，原來是東木王父，請受弟子一拜

東華帝君：朱方士，本座不忍蒼生受到無道之苦

因此命下大鯤化作海外孤島，由汝帶領眾人逃生去吧

（東華帝君隨即乘雲而去）

OS：

【瀟湘夜雨】

東海怒濤化鯤鯨 海翁骨肉落海點凡真

方士承命不非輕 國號東華傳位萬代新

（燈暗）

第一場 三月初三

▲場景：吳家、南山墓埔

▲時間：東靖 30 年・春

▲人物：萬興、萬仁、順娘

萬興：（夢囈著）阿兄、阿兄，汝佇佗位？海湧來了，汝莫管我，緊走啊

（投影：茫茫海中兩人載浮載沉，萬興被一巨物救起）

萬仁：阿興（安撫著萬興），汝是毋是閣作惡夢矣，阿兄佇遮，免驚

萬興：阿兄，我閣夢著當初時咱跋落海的畫面，

無知影是按怎，這幾個月以來我總是會眠夢著一件代誌

佇夢中的阿兄汝已經葬身大海，我好親像予一個大魚救起來

萬仁：（若有所思）呃....阿興，汝想傷濟囉，阿兄人毋是好好倚佇遮嗎？

等汝身體若有較好，阿兄才閣弄汝出海掠魚

萬興：好，阿兄咱一言為定！咱到時才來比賽誰掠著的魚較濟

【都馬調】

萬仁：一句小弟 予我記在心肝底 我定袂辜負阿爸所託

萬興：一句阿兄 予我記甲真正深 這是咱一世人的約束

萬興：有汝相陪 就算暗夜也有星做伴 又比三餐食五穀

萬仁：阿兄預慢 毋知如何安排好將來 只知掠魚生理度

萬興：阿兄，汝今仔日怪怪喔，哪會雄雄共我講遮的代誌

萬仁：沒啦，我只是咧想....

自從阿爸過身了後，就賭咱兩個佻阿母相依為命

但我就干焦會曉掠魚，什麼攏袂曉，嘛無法度予汝過著好日子

萬興：才袂咧，若不是因為阿兄的牽成照顧，哪有今仔日的我

以後食老就換我照顧汝，咱愛做一世人的好兄弟

汝就是這個世間上好的阿兄，阿兄汝講對無？

萬仁：（似曾相識的回想著）

（背景聲：阿兄，汝是這個世間上好的阿兄，咱愛做一世人的好兄弟）

萬興：阿兄、阿兄汝咧想啥，看汝按呢癡神癡神

萬仁：無啦無啦！我只是咧想阮阿興真正大漢啊喔，閣會曉照顧阿兄

萬興：這是當然的～

萬仁：阿興，若無啥物代誌，今仔日是三月三

菜市內咧款拜拜的人誠濟，阿兄欲先出門去做生理矣（萬仁匆匆離去）

順娘：

【柳絮調】

順娘歹命孤女娃 自細就無爸母通倚倚

好在姑母來相弄 才免擔心枵飢受風寒

（順娘帶著水果、潤餅祭品走進吳家大門）

順娘：阿興，汝頭拄仔是咧恰啥物人講話？

萬興：咦～順娘，汝沒看到阮阿兄嗎？伊講今仔日是三月三愛提早出門做生理

順娘：（故作鎮定）汝講恁阿兄.....喔，莫怪我看到伊真慌狂出門

萬興：順娘，汝今仔日哪會閣來阮家？我會記得汝毋是已經.....

順娘：阿興，汝是咧講啥

汝袂記得今日是三月三，阮阿姑叫我提一寡潤餅來予汝食

順繼陪汝上山去拜祭阿伯

（燈暗，轉場至南山墓埔）

（萬興跪在父母靈前叩拜）

【哭墓】

OS：素果潤餅祭先人 清香銀帛化煙塵

春寒愁雨倍思親 苦勸陽世莫掛心

萬興：阿爸，時間誠緊，閣是三月三，今年阿兄無閒就由我來代替伊上香

我恰阿兄這馬攏過得真好，請恁毋免為阮煩惱

（萬興說畢起身）

順娘：阿興，你敢閣會記得小漢的時陣，我恰恁兄弟兩個人耍的情景

萬興：這是當然的啊，我猶記得佇逐年三月三的時陣，咱攏會做伙去後山迢迢

【對唱】

順娘：當年孩童 天真純情意

萬興：山邊挽菜做粿祭神祇

順娘：咱三人 走坡落崎向前去

萬興：唯一上驚山內老虎逞雄氣

順娘：佳哉萬仁隨時來扶持

萬興：是啊，有阮阿兄佇咧真好

萬興：阿兄相伴 樂暢山林任奔馳

順娘：逐年最是懷念上巳佳節期

萬興：我閣會記得彼時陣你總是會講一句.....

萬興：一心欲嫁萬仁兄哥伊

順娘：真情嬌酣 童言笑語莫猜疑

順娘：是啊，而且我會記得那時陣總是予恁阿兄笑我大面神

萬興：這馬想起來，就好親向昨昏才發生的代誌全款，毋過卻是幾落年

順娘：萬仁兄，也是因為彼一改恰汝出海抓魚毋才會來.....

萬興：順娘汝咧講什麼，我阿兄伊毋是人好好嗎？

我哪聽無汝咧講啥，阮阿兄伊是按怎？啊....我的頭哪會遮痛

（萬興不支而昏倒）

順娘：萬興、萬興，汝是按怎？有要緊無？

（順娘攙扶萬興，臨走前撇向一旁的墓碑，似有心事）

（燈暗）

第二場 東海遇險

▲場景：東海

▲時間：東靖 29 年・夏

▲人物：萬仁、萬興、順娘

【南風謠】

萬興：薰風吹來粼光照 海清河晏金燦耀

萬仁：為探魚家舟櫓搖 兄弟同齊享逍遙

萬仁：小弟，汝看彼隻加鱸真是又闊大闊肥，緊共伊撈起來

萬興：沒問題，看我的，（灑網下水）撈到矣！

萬仁：小弟，汝敢知影人講「一午、二紅衫、三鯧、四馬鮫、五鮓.....」

萬興：我知我知，「六加鱸、七赤鯨、八馬頭、九烏喉、十春子」

萬仁：唉唷，無簡單喔！汝閣捌了誠濟

阿興汝是當時共恁阿兄學去遮的趁錢傢伙

萬興：我是阿兄的小弟，當然嘛愛加減偷學一寡

萬仁：汝這個臭屁囡仔，講無幾句就尾椎翹起來矣

無過，今仔日咱就掠到遮濟隻，會當予咱食過幾落頓

也會當於汝繼續去學堂讀冊矣

萬興：我才無愛去讀冊，我就是欲綴佇阿兄身邊鬥掠魚

萬仁：阿興，汝無通按呢講

萬興：阿兄，其實我定定想起細漢時，咱以前做伙讀冊的日子

萬仁：阿興，這是阿兄心甘情願，我袂使辜負阿爸對我的寄託

萬興：好，我知，我以後嘛袂閣惹阿兄生氣矣

【都馬調】

儒家子弟我自居 孔孟聖賢心頭記

毋甘兄哥逐日辛苦出海度生機

就予小弟幫汝生理鬥支持 共等光耀門楣歸來時

萬仁：好、好、好，不愧是我的好小弟

阿兄絕對會閣較拍拼，予汝早一日上京赴考

（兩人悠閒之際，海面卻有所波瀾，遠方烏雲密布）

萬興：阿兄，我看烏雲愈來愈厚矣，咱欲量早轉去無？

萬仁：我今仔日出門時陣看天氣猶閣好好，雲哪會變遮厚，

無要緊，等一時應該就會散去矣

萬興：喔，好啦，阿兄汝嘛較細膩

（說完竟瞬間雷雨交加，小船不堪一擊翻覆，兩人落海）

OS：【錦什調】

風雲變色無張持 天降大雨狂暴雷

兄弟談笑在一時 誰知天涯分別離

萬興：長浪蓋天不見兄長 海湧無情何處從

阿兄～～汝佇佗位？阿兄～

萬仁：攏怪為兄硬來逞強 才來墜海見無常

阿興，來，汝一定愛共阿兄攬予牢，阿兄會保護汝

（做出滔天巨浪再次襲來而將兩人打散的身段）

萬興：阿兄、阿兄，汝佇佗位？海湧來了，汝莫管我，緊走啊！

（萬仁落入海中，接著一隻大鯤將萬興馱起）

大鯤：阿興汝免驚，我會保護汝的安全

萬興：阿兄....

（燈暗）

（萬興躺在沙灘之上）

順娘：阿興、阿興，汝哪會佇遮，佢歸身軀澹漚漚，恁阿兄人咧？

萬興：順娘....阮阿兄....我嘛毋知影，我干焦會記得我佢阿兄兩個人出海掠魚

結果拄到一陣足大的雨阮就跋落海，一開始閣有共阿兄攬咧

尾矣就佢阮阿兄分開矣，然後就有一隻足大足大的魚仔共我救起來

而且伊閣知影我的名叫做阿興

順娘：（微笑）我看汝是毋是予驚著，哪有遮大隻的魚仔啦！

萬興：我是講真實的，順娘汝敢有看到阮阿兄？

順娘：我嘛真奇怪，哪會攏無看到伊的人，

無定著伊已經先轉去矣，咱先來轉才閣講

（順娘轉身離場）

（一個月後，萬興走在海邊）

萬興：阿兄，自從轉來了後，總是看無汝的人

會記得細漢我只要做無對代誌，汝總是會覷起來予我揣無

但是這一改是按怎攏毋欲轉來....

（萬仁默默在一旁看著）

萬仁：小弟，阿兄對不起汝，我毋是故意毋共汝見面，

是因為咱已經陰陽相隔.....這也是阿兄心甘情願的

【江西調】

帝君仁慈開天赦 鯤鯨合魂為我度

兄哥前世心粗殘 宗族爭權起怨妒

【瓊花調】

萬仁：今生為弟報恩路

萬興：認真讀冊還仕途

萬仁：原諒為兄用心苦

萬興：向望兄弟情誼永顧

（燈暗）

第三場 鯤鯨化現

▲場景：扶桑殿

▲時間：東靖 29 年・夏

▲人物：萬仁、萬興、青鸞神女、大鯤、朱哲睿、信眾若干

OS：

【仙鄉歲月】

當年秦王出使扶桑去 王父不忍百姓受凌遲

幻化大鯤救起萬民黎 方士受命開墾蓬瑤池

東木笑看人間雲起時 帝君慈祥旭日映光輝

（鄉里人民於扶桑殿祭拜）

萬仁：帝君容稟

因為我的毋對，予小弟失足落海

至今音訊全無，我願意用命交換

希望帝君聽著我的誠心

毋管用什麼方法，予我的小弟倒轉來

（萬仁誠心向帝君燒香祈求）

（東華帝君站於雲端之上）

東華帝君：人間難得有此重情之人，真是使本座非常感動

駕前青鸞何在？本座殿前，下跪是何人？

青鸞神女：此乃是一位陽間弟子，名喚吳萬仁，

一個月前因為佱伊的小弟出海掠魚卻因為一時疏忽

造成兄弟陰陽兩隔，如今正向帝君您請求

東華帝君：（推指掐算，微笑著）嗯，看來這一切皆是天意

本座看伊如此哀求，心生不忍，青鸞汝就下凡去幫助伊吧！

青鸞神女：是！

（青鸞神女化身為順娘）

東華帝君：朱哲睿何在？

朱哲睿：在，不知東王父有何吩咐？

東華帝君：朱哲睿，二十年前，汝為得王位犯下殺業

恁朱家王朝本是大鯤後代，汝死後被本座封在大鯤之身，等待

如今，汝的刑期已滿，本座愛汝下凡將功保罪，隨本座來

朱哲睿：是，遵法旨

（東華帝君化作白髮老翁走入萬仁夢中）

東華帝君：吳萬仁何在？

萬仁：敢問老人家有何指教？

順娘：吳萬仁，此乃上古大神，東華帝君

萬仁：原來是帝君降臨，小民拜謁

東華帝君：今日汝在殿前所求之事，本座聽了十分感動

我就來答應汝，為恁兄弟換命

不過，汝的肉體就必須與大鯤交換，不知汝敢有願意？

萬仁：小民願意

東華帝君：朱哲睿，你將真身化來

朱承哲：是

（化為大鯤）

東華帝君：

【將水】

天地一炁化三千 幽冥超昇 行落雲夢仙境

凡人肉體歸清靜 魂魄歸合 投向海翁鯤靈

敕！恁兩個速速投入去吧！

【梆子腔】

運命重排 地裂天旋

輪迴倒退 生魂顛轉

（時間倒回兄弟兩人出海那天）

萬興：阿兄，我無欲讀冊，從今以後欲綴汝出海掠魚

萬仁：阿興，汝是咧講什麼，阿兄遮辛苦也是為著汝

萬興：我無管這一改汝按怎講，我就是沒欲轉去學堂矣

萬仁：

【訓子調】

出海掠魚靠天時 望汝勤讀 得效聖賢出人及第

不料卻生忤逆意 汝若不願 就此了斷兄弟根蒂

（萬興生氣將魚刀丟向一旁，不料船身卻傾斜破洞）

萬仁：阿興，這是阿兄心甘情願，我袂使辜負阿爸對我的寄託

（萬興不為所動，海水開始灌入船身）

（萬仁突然感覺到天氣的異樣）

萬仁：我今仔日出門時陣看天氣猶閣好好，雲哪會變遮厚，

無要緊，等一時應該就會散去矣

（說完竟瞬間雷雨交加，小船因進水翻覆，兩人落海）

萬興：阿兄、阿兄，汝佇佗位？海湧來了，汝莫管我，緊走啊！

（萬仁落入海中，接著一隻大鯤將萬興馱起）

大鯤：阿興，汝免驚，我這一改會保護汝的安全

萬興：（氣若游絲）阿兄....我知影一定是汝來救我對毋對

（朱哲睿站在一旁有所盤算地看著這一切）

（燈暗）

— 中場休息 —

第四場 不如歸去

▲場景：東華王城、開元禪寺

▲時間：東靖 10 年·夏／東靖 30 年·夏

▲人物：東華王、朱哲睿、朱哲發、董太后

（朱哲睿帶著萬興深夜闖入東華王寢宮）

萬興：阿兄，汝來王城欲創啥啦

這實在是足暗足恐怖个

朱哲睿：汝嘛較小聲咧

萬興：阿兄，汝看頭前有一個人來矣啦

朱哲睿：哼哼，朱嗣秦汝家已送上門

東華王，汝納命來

還我娘親恰小弟的命來

萬興：阿兄汝的小弟是我矣，汝咧講啥啦

（朱哲睿瞬間對萬興施咒封印其口）

東華王：汝是誰，竟敢來行刺寡人？

朱哲睿：阿秦，汝欲看清楚我是誰無？

東華王：汝...汝是.....四王叔？

朱哲睿：哼！算汝目色好，閣認得出小王

東華王：但是我會記得，王叔母是已經.....

朱哲睿：汝絕對料想袂到我會轉來吧

這一改轉來，我就是欲共屬於我的物件提倒轉來

【雜念調】

想當年 父王駕崩離宮闈

王后誤聽奸臣來弄權 外戚引亂害宗基

世子不正 被逼來退位 無端惹殺機

母妃遭禁冷宮 受辱自盡亡 衝冠為著伊

帶兵反抗宮變 也是姑不將 感嘆朱家落土歹八字

（場景轉換到二十年前的宮變）

OS：【可憐青春】

兵馬踏進後宮地，睿王起兵逼宮亂東華

宮娥彩女亂紛竄，步搖金釵散地如薄紙

龍椅染紅放霞光，可嘆世俗不如天地闊

朱哲發：阿兄，咱毋是講好做伙逍遙嗎？共同輔佐欽兒登基嗎？

是按怎汝，汝這馬也是為著王位咧拼命？

朱哲睿：發弟，汝敢知影這十幾年來，我所受到的是外濟痛苦？

我的母妃地位低，關佇冷宮來慘死，

人人嘛攏看我無起

恁看，這馬手頭的兵權攏是我家己得著的，
我就是欲予大家知影我的厲害
看啥物人閣會看袂起我佢母妃

朱哲發：阿兄啊.....

【七字清板】

雖然汝我仝爸各母生 猶原勝過親胞情
不願看汝衝磅殺氣騰 勸兄三思愛冷靜

朱哲睿：發弟，汝緊走！

阿兄無想欲傷害汝，若是無走就莫怪阿兄無情
走啊！（作勢拔出劍）

朱哲發：我毋走，阿兄汝敢閣會記得咱當初時就佇這個御花園有立誓
更愛咱的國家，為大家創造美好的生活
我看到汝因為爭權奪利，卻來失去以前的理想，我真正足艱苦
汝敢閣會記得這是什麼？（拿出一枚朱雀銅釦）

（投影：朱哲睿第一次穿著甲冑與朱哲發相見的情形）

朱哲睿：小弟，我這馬已經成為護國將軍，我會更較拍拼保護咱的國家

朱哲發：阿兄是將軍，那按呢以後我就是汝的先鋒官，為汝衝陣走第一

朱哲睿：一言為定，小弟這是阿兄鐵甲頂的朱雀銅鈕，就送予汝作紀念
咱兩個人立誓保朝廷，生生世世為兄弟

朱哲發：對，阿兄，汝是這個世間上好的阿兄，咱愛做一世人的好兄弟

朱哲發、朱哲睿：

【七字連空奏】

阿兄（小弟）啊～

汝咱曾經立誓言 憂國憂民意志堅
莫使戰事造罪愆 輔佐朝政必清廉
只要僥心最難饒 為君送程配利劍

（此時哲發將哲睿的劍奪走，決心以死為諫）

朱哲睿：小弟！阿兄對不起汝，是我反背咱的誓言！

小弟，汝一定愛原諒阿兄，汝哪會遮翹

朱哲發：阿兄，這一改是汝僥心，汝輸矣

這是自細漢到大漢我第一改贏汝喔

朱哲睿：汝莫閣講啊，我緊來去叫太醫

朱哲發：毋免，我知影家己的身體

但是我....我實在毋甘對我上敬愛的阿兄汝下手

所以，我決定犧牲家己，向望阿兄汝也放下怨仇

朱哲睿：小弟！我總有一工會為汝報仇，嘛向所有的人討倒轉來

（說畢以寶劍自刎倒下，回到原來的時空）

（東華帝君現身）

東華帝君：哲睿，當初我共汝封印是本座來日予汝的考驗

我欲予汝知影是按怎的真情會當使一個人願意付出

汝是毋是也參悟到當初萬仁的心情？

朱哲睿：東王父，佇這個身體我有萬仁的記憶，對小弟的情我猶原不變

我知影我的毋對矣，我願意放下

（東華帝君看了一看東華王）

東華王：王叔，我在此代替我的父王向汝會失禮

希望汝會當放下過去，做伙轉來王城予我奉待汝

（朱哲睿揮手拒絕）

朱哲睿：對我來講，彼個所在是一個過去的人生

如今的我，只是一個普通人，嘛無需要金錢

東華王，我只希望汝好好照顧百姓

東華王：謹遵王叔訓示

東華帝君：哲睿，閣有一個人，伊一直咧等待汝，已經二十年矣

朱哲睿：是誰……？敢是阮母妃？

東華帝君：汝綴我來吧

（燈暗）

（場景轉至城外的開元禪寺）

（一位步履蹣跚的老人家緩緩走出）

朱哲睿：請問汝是……

董太后：聽這個聲音敢是睿兒，汝敢閣會記得我是誰？

朱哲睿：是董母后汝嗎？（在母后眼前揮揮手卻發覺已失明）

董太后：汝敢知哀家這十幾年來是按怎度過？

【代七字一】

懺悔當年誤信奸臣來相害

長伴青燈為罔殺業通消災

思罔念子淚不盡 掛念孩兒流浪在天涯

只願平安度日子 不求金錢名利還復來

朱哲睿：母后，是孩兒對不起汝！

【代七字二】

今日探母淚漣漣心自損

看無當年鳳釵一點青 惟見鬢邊滄桑痕

孩兒倔強走極端 只知為母出頭失分寸

傷害他人傷自己 不孝孩兒心自困

董太后：無要緊、無要緊，母后只想欲對汝及莊妃

講一聲失禮，當年真實是我錯囉

汝敢閣會記得當初母后宮內的彼隻杜鵑鳥……

【梅花落】

杜鵑啼血見子規 奪人團圞天倫碎

親情夢斷難相偎 不如歸去隨風飛

朱哲睿：當然會記得，彼是我細漢出外狩獵帶轉來送汝的

董太后：就是汝送我的，更加予我感覺對不起佢母仔囝

我就親像佔巢的杜鵑鳥，業障隨身

如今我嘛該是隨業受報的好時機

閣予我叫汝一聲，睿....兒.....

朱哲睿：母后～

（燈暗）

第五場 鯨落蓬萊

▲場景：東海之濱

▲時間：東靖 30 年·秋

▲人物：萬興、朱哲睿、順娘

（夢中）

萬興：阿兄、阿兄，汝是欲行去佢位？行較慢个，我綴袂著汝

朱哲睿：阿興，阿兄欲來離開矣

佇這個世界上，咱做代誌愛把握當下

若是錯過就無法度閣再來，阿兄向望汝明白，

阿兄沒什麼通留予汝，這個朱雀銅鈕就送予汝

我會記得細漢時，我出外做生理時攞會買物件轉來送汝

如今，咱攞大漢矣，汝有汝的人生愛過、阿兄嘛有阿兄的任務愛完成

未來，汝愛閣較堅強

萬興：（驚醒）阿兄，汝莫走啊～

順娘、順娘，我看到阮阿兄轉來矣

伊人咧？

（四處翻找）

汝看這是伊予我的朱雀銅鈕，伊佇市場做生理轉來買予我的

順娘：這是.....恁阿兄伊.....

萬興：汝毋就緊講

順娘：啊～煞煞去，汝綴我來一個所在

（場景來至南山墓埔）

萬興：順娘，汝叫我來遮欲創啥？

（四處張望著，突然瞥見父親墓旁：吳萬仁之墓）

順娘：萬興，汝來看～

（順娘對萬興施法，使其回想起一切的往事畫面）

（投影：萬興、萬仁、順娘青梅竹馬的遊玩畫面，實則順娘也已外嫁他庄，因此第一次見面時充滿疑惑之感）

（投影：萬興被大鯢馱起的模糊畫面，萬仁落水與朱哲睿合體後已是冰冷屍體，由順娘為其收埋並葬於吳父墓旁）

萬興：順娘汝又閣是誰.....

順娘：汝觀來

（瞬間化為青鸞之原形）

萬興：那按呢阮阿兄閣是？

順娘：恁所看到的阿兄乃是前朝第四王子，朱哲睿

（投影：東華帝君施法將朱哲睿與吳萬仁合體之影像）

（轉至萬仁向東華帝君求情的場景）

順娘：【雜念調】

帝君慈悲幻化大千 當年安排哲睿附鯤鯨 乃為朱家守魂靈
萬仁為救汝的性命 長跪在那扶桑殿前 叩拜祈求盼回生
大神不捨恁兄來求情 哲睿合體恁兄身 時辰已到不能復形
我勸萬興心放寬 萬仁為汝多設想 汝也不通怨嗟伊的一片真情

（場景轉至岸邊）

萬興：阿兄～喔，毋是，睿王子

朱哲睿：無要緊，我就親像汝的阿兄，汝也親像我的小弟

這段期間以來，我重新揣回我的人生遺憾

也熟識著汝佢萬仁，恁兩個予我了解兄弟真情

今仔日，是我，也是恁阿兄欲轉去的日子

萬興：恁兩個欲去佢位？

朱哲睿：我的原形是大鯤，當然是愛轉去大海矣

這是一件好代誌，我總算是會當轉去水內底較自在

萬興：毋過，我還是會毋甘

朱哲睿：好啦，我閣予汝一改見到恁阿兄的機會，

為著感謝恁的照顧，未來恁吳家會成為東華上好額的人家

（朱哲睿轉身一變化為萬仁）

萬仁：小弟，阿兄欲來走矣

萬興：阿兄，汝轉來矣

汝為什麼當初欲為著救我來犧牲家己

我無應該佇船頂惹汝生氣，我錯矣

萬仁：才袂咧，汝是阿兄上好的小弟，不管汝做啥物，阿兄攏原諒汝

毋過，這一改阿兄真正欲走啊，無法度閣保護汝

繼落來的日子，汝一個人愛好好个過、也愛好好个讀冊

只要想阿兄就來海邊行行，我永遠佇汝身邊

萬興：（淚流滿面）好，阿兄我一定會好好讀冊，予阿兄放心、為國家盡力

【寒門秋月】

萬仁：向望小弟心匠定 大兄魂兮將遠行

朱哲睿：鯤島變作萬物生 落海屍骨化清淨

（萬興欲伸手觸摸萬仁與朱哲睿，兩人卻化為灰燼，消失在空中）

萬興：哥哥毋免為我閣操煩 來日必將家門重新翻

順娘：青鸞永伴鯤鯨護海灣 眾生和樂不再風湧漩

（投影：遠方孤島化為三座沙島，好似一隻飛鸞與二隻大鯤相伴）

（燈暗）

尾聲

▲場景：東海外島、東沙宮

▲時間：東靖 40 年・秋

▲人物：萬興、宗益、祭祀人潮若干

（十年後）

（身穿一身華服、頭髮鬢白的萬興登場）

（投影：東沙宮矗立在海岸邊，遠方外海為三座沙島）

萬興：宗益，汝敢閣會記得阿爸共汝講過的海翁墜海化土的故事？

宗益：當然矣，我會記阿爸有講過，

【童謠】

海翁公真大仙 上岸喘氣 水噴高高

鬚長長嘴大大 墜海洋化砂土

肉身歸送眾生食 骨架添為魚仔巢

萬興：哈哈，對、對、對～宗益真敖

宗益：阿爸、阿爸，我真疑問，是按怎逐年的中秋

汝攞會舐我來海邊的東沙宮拜拜？

萬興：這是因為欲紀念一個人，一個對咱吳家真有意義的人

伊佇我像汝這個年歲的時陣，為我帶來一個真奇妙的遭遇

宗益：那按呢這位恩公叫做什麼名咧？

萬興：伊喔，叫什麼名字已經無重要，重要的是伊永遠留佇阿爸的心肝底

來，阿爸舐汝入來去東沙宮拜拜

宗益：那按呢，阿爸我閣問最後一個問題，

佇東海外彼二座沙島哪會好親像二隻大海翁

萬興：彼啊，彼叫做鯤鯨，汝也會使想做是阿爸共汝講的大恩公

（父子倆人走進東沙宮祭拜）

（廟堂神尊書寫：東沙太子・朱嗣欽／吳萬興・辛丑年吉日立）

（一旁上尚有一墓：東華國王子 朱哲睿・朱哲發之墓）

眾人合唱：

【主題曲】

三月初三上巳節 奇緣遭遇順騰雲

兄弟情深萬古傳 鸞鳥鯤鯨鎮國魂

扶桑東華旭日昇 生命燦爛笑浮沉

海翁沉落化大千 無私良善勸世人

—全劇終—